

AKASHVANI AIZAWL

REGIONAL NEWS BULLETIN

Date – 05/05/2025

Time - 18:30 -18:40Hrs

HEADLINES (EVENING)

- Union minister of state for External Affairs leh Textile Pu Pabitra Margherita Mizoramin kawng tinrengah hmasawn turin theihna a nei sang hle a ti.
- Aizawl khawpui chhunga Assam Rifles chhuahsan tak ram luahzui dan tur chungchang vawiin khan Chief Minister Pu Lalduhoma hovin ngaihtauh a ni.
- Pahalgam firfiaka chetna avanga Pakistan chhanlet nan vawiin atangin Baglihar Dam kaltlanga Chenab lui tui Pakistan-a luanglut tur dan a ni
- Russian President Vladimir Putin chuan Pahalgam-a firfiaka chetna chu na taka a dem thu a sawi.

<><><>

UNION MINISTER

Union Minister of State for Textile & External Affairs Pu Pabitra Margherita-a'n Mizoram chu hnamzia (culture) bakah chawhmeh atanga la leh puan thlengin a hausa hle a, kawngtin rengah hmasawn turin theihna a nei sang hle tih a sawi.

He thu hi vawiina Hotel Regency-a thuthar thehdarhtute a kawmna ah sawiin Union Minister chuan Mizoramin kawngtin rengah hmasawn turin theihna sang tak a ngah hle a ti a, Union Minister chuan inkalpawhna chu an ngaihpawimawh ber pakhat a nih angin Mizoram chu a tum khatna atan rel kaltlangin ramchhung hmund dangte nen a inkalpawh theih tawh tur chu lawmawm a tih thu a sawi a, railway bakah kawngpui, thlawhtheihna leh tunlai thiamna hmanga khawvel hmundang nena inpawh theihna turin hmalak mek a ni a ti a, venhimna, leh hmasawna bakah khualzin hipna, la leh puan chungchangah te pawh state sorkar leh mipuite nen an thawk ho zel dawn tih a sawi a ni. Kum 2047-a India in Ram hmasawn a nih theihna tur kawng Viksit Bharat 2047 nei thei tura sorkar laipui hmalakna hrang hrang hnuaiah Mizoram chu state hmasawn a nih ngei a beisei tih a sawi.

Minister chuan hmarchhak hnamte chu kutthemthiam leh la leh puan lamah an hausa hle tih a sawi a, Mizoramah pawh puan ze hrang hranga tah dan hrang hrang a awm tih a sawi a, hmarchhak biala hnam hrang hrang 200 chuang chengte chuan anmahni pual theuhin puan chi hrang hrang an nei a, Ministry of textile chuan abikin puantahtute tihmasawna turin scheme a siam a, Mizoram chuan Muga Silk

tharchhuak turin theihna tam tak a nei a ti a, Mizoram khawthlang lama India leh Bangladesh ramri-a Integrated Check Post leh Kawrpuichhuah khuaa kawngpui siam chu a rang thei ang bera hman theih a nih tur thu a sawi bawk a ni.

Hei bakah hian Union Minister chuan DoNER Ministry NEC chu hmarchhak bial hmasawnna turin a inpumpek tih sawiin, hmasawnna tam tak thawh a ni tawh a, kar 2 dan zelah Union Minister hrang hrang chuan hmasawnna hnathawh mek chu ramchhung hmun hrang hrangah a hmunah ngei tlawhin an enpui thin tih a sawi.

<><><>

MNF-MHCS

Health Minister hlui, MNF Sr Vice President Dr R Lalthangliana chuan Mizoram Universal Health Care Scheme hnuaiah Mizoram sorkar damdawiinah te man chawi a ngai tawh a ti.

Dr Lalthangliana chuan vawiin khan Aizawla MNF Party Office Mizo Hnam Runah Mizoram Universal Health Care Scheme chungchang hi sawiin, he scheme hi mihausa leh mirethei inthliarna dik tak a ni a, miretheite thlavang hauh a ngai a ti a, he scheme hnuaiah hian sorkar damdawiin chuan damlo an enkawlte hnen atangin, Damlo inenkawlna an bill dawn avangin Govt. Hospital zawng zawng chu7 PAYING HOSPITAL ah an siam dawn tihna a ni a ti.

Mizoram Universal Healthcare System leh AB-PMJAY te chu scheme thuhmun leh a kal phung leh Healthcare Bill dan pawh in ang, a hming chiah hrang a ni a, MUHCS Scheme pawh Package system a duan a ni a ti a. He scheme hnuaiah hian Dam lo ten an damlohna a zira rate siamsa package an lak ang chauh Damdawiin atang in an bill sak thei dawn a, a bak zawng senso chu Damlo in a pek belh a ngai dawn tih sawiin, hei hi Private Hospital leh Sorkar hnathawk inzawmkhawm pawl (FMGE &W) ho te pawh in an zawm duh loh chhan a ni a ti a. MUHCS package rate te hi Private Hospital rate te nen a han khaikhin hian a rate a in thlau hle a ti bawk.

Private Hospital ten MUHCS an zawm duh loh chuan mipui rethei ho in an tuar ber dawn tih sawiin Sorkar Hospital a damlo in enkawlna te Healthcare Bill atanga an re-imburse te chu enga hman tur nge tih hriat a chakawm thu sawiin ZPM sawrkar chuan Mipui damlohna chu sum hmuh nan hman a lo tum reng tihna a ni thei a ti.

Dr Lalthangliana chuan, Sorkar hnathawkten an damloha an inenkawlna senso an bill ang ang chu sorkar in a re-imburse sak mai a, an hlawhah emaw a cut sak ngai lo a, hetiang a an dikna chanvo sorkarin a pal zut sak leh rawn derna pawh awm lova an thla hlawh atanga Mizoram Universal Healthcare Scheme a tan pawisa cut-na tur thu a ti thlu ngawt hi in zah lohna leh in tham lohna lian takah MNF party chuan a ngai tak zet a ni, a ti.

MUHCS Guidelines-a awm Mipui hriat tur mahse; sorkarin a thup a awm tih sawi bawkin Health Minister hlui chuan Aizawl Civil Hospital leh Zoram Medical College and Hospital-ah Emergency Case bakah khum a awm loh hun atan private damdawiina enkawl tura Emergency Certificate hmang a damloten MR an Bill theihna tur dan a awm thu chu thup a ni a ti a, he thil hi a serious tak zet a ni tih sawiin, Sorkar hian damlo tanpui nge a tum a tlem thei ang ber Bill tir tih chu an thil puanzar loh hian a ngaihtuah tir tih Dr R Lalthangliana chuan a sawi a ni.

<><><>

AR LAND

Aizawl khawpui chhunga Assam Rifles chhuahsan tak ram luahzui dan tur chungchang sawihoin vawiin khan Chief Minister Pu Lalduhoma hova thutkhawm a ni a, sawiho zingah hian AR chhuansan rama Mizoram Legislative Assembly Complex din tura ruahmanna a tel.

Vawiina thutkhawm Chief Minister Conference Hall-a neih ah hian rawtna hrang hrang 16 chuang sawiho a ni a, heng zingah hian Assembly Complex AR chhuahsan rama din te leh Home Department atanga rawtla lut Assam Rifles Memorial din te leh INTACH, Mizoram Chapter atanga rawtna lut Assam Rifles cantonment building chu vawn that tura ruahmanna bakah UD&PA Department atanga rawtna Ropeway project siamna tura ruahmanna te leh Power and Electricity Department atanga rawtna Sub-Station dinna tur te chu sawiho a ni a,

Heng bakah hian Assam Rifles in Babutlanga ram an chhuahsan Zarkawt Veng Joint Action Committee kuta hlan te leh Mizoram Flourist’s Association atanga rawtna Flower Market emaw Show House din te leh Aizawl Hmathlir Pawl (AHP) atanga rawtna Assam Rifles chhuahsan rama Mizoram Police duty indah te leh Assembly House din bakah Laldenga Cultural & Community Centre sak tura ruahman aiah Aizawl Green Park siam zawk ni se tia rawtna te chu sawiho tur zingah dah a ni a,

Agenda hrang hrang awmin Mizoram Gorkha Mandir Sanchalan Samiti Bazar Area, Aizawl chuan Zodin hmuna Assam Rifles Hari Mandir awm chhunzawm ni se tiin rawtna an thlen a, heng bakah hian mimak leh pawl hrang hrang atanga rawtna lut Biakin hmun Mizoram Synod hnena pek te leh Parking Lot siam tura hmalak bakah Bethlem Branch YMA atanga YMA Plantation siamna tura rawtna te chu Agenda sawiho tur zingah a tel a ni.

<><><>

Waqf Amendment Act

Union Minister of State Pu Pabitra Margherita chuan Waqf Amendment Act 2025 chu hun rei tak atanga thil diklo thleng tawhte tih dikna ani a ti a, vantlang mipuite tana hamthatna a thlen theihna tura hmalakna a ni tih a sawi.

He thu hi vawiina chanchinbumite a kawmna ah sawiin Union Minister of State for Textile & External Affairs Pu Pabitra Margherita chuan Waqf Amendment Act 2025 pass chuan khawtlang nunah rorelna dik a thlen theih nan leh langtlang leh huapzo taka hmasawwna a thlen theihna tur a ni a ti a, ram mipuite chawisanna tur a ni tih sawiin Joint Parliamnetary Committee member 31 ten Waqf chungchanga petition 7772 lutte thla 5 chhungin vawi 38 thutkhawmin an zirchiang a ti a, palai 282 an rawn bakah Parliament-ah darkar 25 chhung vel sawiho a nih hnuah pass chauh a ni a, hei hian mipui rorelna hmanga dan siamthat ngei a ni tih a lantir a ti bawk.

Mizorama Waqf Sudhar Jan Jagran Abhiyan Convener Pu Lalrinliana Sailo chuan vawiina Waqf siamthatin a tum ber chu India ram pumpuia Muslim ten an hman Waqf kaihnawihah rambuai leh bungraw chungchang tiamin case sing 4 dawn a awm mek a ti a, he danah hian sorkar a inrawlh theih loh avangin sorkar chuan India-a mihring awm zawng zawngte chu eng sakhaw mi pawh ni se ang khat veka dan hnuai an awm theih nan Waqf (Amendment) Bill chu a pass a ni a ti a, India ram pumpuia hemi chungchang inzirtirna hi neih vek tura tih an nih angin Mizoramah pawh he workshop hi an buatsaih tih sawiin, India-a mihring intluktlanna bakah sakhua leh rinnaah thlei bik awm lova, rualkhai zawka thil tih tumna a ni tih a sawi.

Muslim dan hnuaia a thlawna thuamthil inpekna dan, Waqf siamthat chungchang inzirtirna, Waqf Sudhar Jan Jagran Abhiyan Workshop Programme hi Hotel Regency ah vawiin khan neih a ni a, WAQF hi Islamic Law hnuaia thuamthil a thlawna inpek dan phung a ni a, India-ah chuan WAQF Act, 1995 hnuaiah hriatpui leh chuktuahrem a ni a, Islamic Law hnuaia thilthlawnppek te a huam vek a, kumin April ni 4 khan Waqf siamthat rawtna, Waqf (Amendment) Bill, 2024 chu Parliament chuan a pass a, Waqf (Amendment) Act, 2025 tih a lo ni ta a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

WATER

Pahalgam firfiaka chetna avanga Pakistan chhanlet nan vawiin atangin Baglihar Dam kaltlanga Chenab lui tui Pakistan-a luanglut tur dan a ni. Jammu-a Akahsvani Correspondent sawidanin India chuan Baglidhar dam kaltlanga Chenab lui luang hi a dang chat vek a. Tunhnaia sawrkarin Indus lui tui far khat pawh Pakistan ah a lut dawn lo tia thutlukna a lo siam tawh bawhzuina a ni a. Hetiang chiah hian Kishanganga Dam-ah Jhelum lui luang dan a ni dawn bawk a. Jammu division-a Ramban district chhung Baglihar hydroelectric dam leh Kashmir hmar lama Kishanganga dam te hi India chuan hunbi neiin tui chhuah theihna a nei a ni.

<><><>

RUSSIA PRESIDENT

Russian President Vladimir Putin chuan vawiin khan Prime Minister Narendra Modia biain Pahalgam-a firfiaka chetna chu na taka a dem thu a sawi. Telephone hmanga an inbiaknaah hian President Putina chuan pawisawi loten nunna hlu tak an chan chu paw i a tih thu sawiin India-in firfiakte a do na kawngah Russia chuan theihtawpin a thlawp dawn tih a sawi a. He inbeihna rapthlak taka mawhphurtute leh anmahni puitute chungah hremna na tak pek ngei anih tur thu a sawi bawk.

External Affairs Ministry thupuangtu Randhir Jaiswal chuan hruaitu pahnihte inbiaknaah hian India leh Russia te inlaichinna ti nghet lehzual tura an inrem thu a sawi a. Prime Minister Narendra Modia pawhin Russia-in Victory Day vawi 80-na a thlen turah duhsakna hlanin kumtawpa Annual Summit an neih turah lo tel turin a sawm nghal bawk a ni

<><><>

DEFENCE MINISTER

Defence Minister Rajnath Singh-a leh Japan Defence Minister General Nakatani te chu vawiin khan New Delhi-ah an inkawm a. Pu Singh-a

chuanPahalgam firfiaka chetna thlen hnu lawka Japan sawrkarin India a thlawp thu a sawi chu lawmthu a hrilh a. Defence lama ram pahnihte thawhdunnaah General Nakatani hmalakna zawng zawngah lawmthu a sawi a ni. Ram hruaitu pahnihte hian an venhimna chungchanga an ngaihda leh thlirna hrang hrangte an sawidun a ni.

><><>